

黃氏逸書考

子史鉤沈

逸書考

劉向洪範五行傳

甘泉黃奭學

春秋成公十六年正月雨木冰向以爲冰者陰之盛而水滯者也木者少陽貴臣卿大夫之象也此人將有害則陰氣脅木木先寒故得雨而冰也是時叔孫喬如出奔公子偃誅死一日時晉執季孫行父又執公此執辱之異或曰今之長老名木冰爲木介介者甲甲兵象也是歲晉有鄆陵之戰楚王傷目而敗

屬常雨也

已上木
不曲直

春秋桓公十四年八月壬申御廩災向以爲
御廩夫人入妾所舂米之臧以奉宗廟者也
時夫人有淫行挾逆心天戒若曰夫人不可
以奉宗廟桓不寤與夫人俱會齊夫人譖桓
公於齊侯齊侯殺桓公

嚴公二十年夏齊大災向以爲齊桓好色聽
女口以妾爲妻適庶數更故致大災桓公不
寤及死適庶分爭九月不得葬

釐公二十年五月乙巳西宮災向以爲釐立
妾母爲夫人以入宗廟故天災愍宮若曰去
其卑而親者將害宗廟之正禮

宣公十六年夏成周宣榭火向以爲十五年
王札子殺召伯毛伯天子不能誅天戒若曰
不能行政令何以禮樂爲而臧之

成公三年二月甲子新宮災向以爲時魯三
桓子孫始執國政宣公欲誅之恐不能使大
夫公孫歸父如晉謀未反宣公死三家譖歸

父於成公成公父喪未葬聽讒而逐其父之
臣使奔齊故天災宣宮明不用父命之象也
一曰三家親而亡禮猶宣公殺子赤而立亡
禮而親天災宣廟欲示去三家也

襄公九年春宋災向以爲先是宋公聽讒逐
其大夫華弱出奔魯

三十年五月甲午宋災向以爲先是宋公聽
讒而殺太子痤應火不炎上之罰也

左傳昭公九年夏四月陳火向以爲先是陳

侯弟招殺太子偃師皆外事不因其宮館者
畧之也八年十月壬午楚師滅陳春秋不與
蠻夷滅中國故復書陳火也

昭十八年五月壬午宋衛陳鄭災向以爲宋
陳王者之後鄭衛周同姓也時周景王老劉
子單子事王子猛尹氏召伯毛伯事王子鼂
子鼂楚之出也及宋衛陳鄭亦皆外附與楚
亡尊周室之心後三年景王崩王室亂故天
災四國天戒若曰不救周反從楚廢世子立

不正以害王室明同皐也

定公二年五月雉門及兩觀災向以爲此皆奢僭過度者也先是季氏逐昭公昭公死於外定公卽位旣不能誅季氏又用其邪說淫於女樂而退孔子天戒若曰去高顯而奢僭者一曰門闕號令所由出也今舍大聖而縱有皐亡以出號令矣

哀公三年五月辛卯桓釐宮災向以爲此二宮不當立違禮者也哀公又以季氏之故不

用孔子孔子在陳聞魯災曰其桓釐之宮乎
以爲桓季氏之所出釐使季氏世卿者也
四年六月辛丑亳社災向以爲亡國之社所
以爲戒也天戒若曰國將危亡不用戒矣春
秋火災屢於定哀之間不用聖人而縱驕臣
將以危亡不明甚也一日天生孔子非爲定
哀也蓋失禮不明火災應之自然象也

高后元年五月丙申趙叢臺災向以爲是時
呂氏女爲趙王后嫉妬將爲護口以害趙王

民國甲戌

劉向洪範五行傳

四

江都朱氏

王不寤焉卒見幽殺

惠帝四年十月乙亥未央宮凌室災丙子織
室災向以爲元年呂太后殺趙王如意殘戮
其母戚夫人是歲十月壬寅太后立帝姊魯
元公主女爲皇后其乙亥凌室災明日織室
災凌室所以供養飲食織室所以奉宗廟衣
服與春秋御廩同義天戒若曰皇后亡奉宗
廟之德將絕祭祀其後皇后亡子後宮美人
有男太后使皇后名之而殺其母惠帝崩嗣

子立有怨言太后廢之更立呂氏子弘爲少
帝賴大臣共誅諸呂而立文帝惠后幽廢
文帝七年六月癸酉未央宮東闕罍罍災向
以爲東闕所以朝諸侯之門也罍罍在其外
諸侯之象也漢興大封諸侯王連城數十文
帝卽位賈誼等以爲違古制度必將叛逆先
是濟北淮南王皆謀反其後吳楚戍國舉兵
而誅

昭帝元鳳元年燕城南門災向以爲時燕王

使邪臣通於漢爲讒賊謀逆亂南門者通漢道也天戒若曰邪臣往來爲姦讒於漢絕亡之道也燕王不寤卒伏其辜

元鳳四年五月丁丑孝文廟正殿災向以爲孝文太宗之君於漢周宣榭火同義先是皇后父車騎將軍上官安安父左將軍桀謀爲逆大將霍光誅之皇后以光外孫年少不知居位如故光欲后有子因上侍疾醫言禁內後宮皆不得進唯皇后顓寢皇后年六歲

而立十三年而昭帝崩遂絕繼嗣光執朝政
猶周公之攝也是歲正月上加元服通詩尙
誓有明哲之性光亡周公之德秉政九年久
於周公上旣已冠而不歸政將爲國害故正
月加元服五月而災見古之廟皆在城中孝
文廟始出居外天戒若曰去貴而不正者宣
帝旣立光猶攝政驕溢過制至妻顯殺許皇
后光聞而不討後遂誅滅

元帝初元三年四月乙未孝武園白鶴館災

向以爲先是前將軍蕭望之光祿大夫周堪
輔政爲佞臣石顯許育等所譖望之自殺堪
廢黜明年白鶴館災園中五百里馳逐走馬
之館不當在山陵昭穆之地天戒若曰去貴
近逸遊不正之臣將害忠良後章坐走馬上
林下烽馳逐免官

永光四年六月甲戌孝宣杜陵園東闕南方
災向以爲先是上復欲用周堪爲光祿勳及
堪弟子張猛爲太中大夫石顯等復譖毀之

皆出外遷是歲上復徵堪領尙書猛給事中
石顯等終欲害之園陵小於朝廷闕在司馬
門中內臣石顯之象也孝宣親而貴門闕法
令所從出也天戒若曰去法令內臣親而貴
者必爲國害後堪希得進見因顯言事事決
顯口堪病不能言顯誣告張猛自殺於公車
成帝卽位顯卒伏罪

已上火
不炎上

嚴公二十八年冬大水亡麥禾向以爲水旱
當書不書水旱而曰大亡麥禾者土氣不養

稼穡不成者也

宋五行志引此文作春秋說

是時夫人淫

於二叔內外亡別又因凶飢一年而三築臺

故應是而稼穡不成飾臺榭內淫亂之罰云

遂不改寤四年而既流二世奢淫之患也

上巳

稼穡不成

左傳昭公八年春石言於晉向以爲石白色

爲主屬白祥

日上金不從革

桓公元年秋大水向以爲桓弑兄隱公民臣

痛隱而賤桓後宋督弑其君諸侯會將討之

桓受宋賂而歸又背宋諸侯由是伐魯仍交
兵結讎伏尸流血百姓愈怨故十三年夏復
大水一曰夫人驕淫將弑君陰氣盛桓不寤
卒弑死

嚴公七年秋大水亡麥苗向以爲嚴母文姜
與兄齊襄公淫其殺桓公嚴釋父讎復取齊
女未入先與之淫一年再出會於道逆亂臣
下賤之之應也

十一年秋宋大水向以爲時宋愍公驕慢暗

劉向洪範五行傳

補刊

災不改明年與其臣宋萬博戲婦人在側矜而罵萬萬殺公之應也

二十四年大水向以爲哀姜初入公使大夫宗婦見用幣又淫於二叔公弗能禁臣下賤之故是歲明年仍大水

宣公十年秋大水飢向以爲宣公殺子赤而立子赤齊出也故懼以濟西田賂齊邾子獲且亦齊出也而宣比與邾交兵臣下懼齊之威創邾之旤皆賤公行而非其正也

成公五年秋大水向以爲時成制勢政在
夫前此一年再用師明年復城鄆以彊私家
仲孫蔑叔孫僑如顓會宋晉暨勝陽

襄公二十四年秋大水向爲先是襄慢鄰
國是以邾伐其南齊伐其北莒伐其東百
騷動後又仍犯彊齊也大水饑穀不成其災
甚也已上水
不潤下

庶徵之恒雨向以爲大水

隱公九年三月癸酉大雨震電庚辰大雨雪

向以爲周三月今正月也當雨水雪雜雨雪
電未可以發也旣已發也則雪不當復降皆
失節故謂之異於易雷以二月出其卦曰豫
言萬物隨雷出地皆逸豫也以八月入其卦
曰歸妹言雷復歸入地則孕毓根核保藏蟄
蟲避盛陰之害出地則養長華實發揚隱伏
宣盛陽之德入能除害出能興利人君之象
也是時隱以弟桓幼代而攝立公子翬見隱
居位已久勸之遂立隱旣不許翬懼而易其

其辭遂與桓共殺隱天見其將然故正月大雨水而雷電是陽不閉陰出涉危難而害萬物天戒若曰爲君失時賊弟佞臣將作亂矣後八日大雨雪陰見間隙而勝陽篡殺之旣將成也公不寤後二年而殺

左傳鄭子臧好聚鵠冠鄭文公惡之使盜殺之向以爲近服妖者也一日非獨爲子臧之身亦文公之戒也

昭帝時昌邑王賀遣中大夫之長安多治灰

注冠以賜大臣又以冠奴向以爲近服妖也
時王賀狂悖聞天子不豫弋獵馳騁如故與
騶奴宰人游居娛戲驕慢不敬冠者尊服奴
者賤人賀無故好作非常之冠暴尊象也以
冠奴者當自至尊墜至賤也其後帝崩無子
漢大臣徵賀爲嗣卽位狂悖無道縛戮諫者
夏侯勝等於是大臣白皇太后廢賀爲庶人
賀爲王時又見大白狗冠方山冠而無尾此
服妖亦犬舐也賀以問郎中令龔遂遂曰此

天戒言在仄者盡狗冠也去之則存不去則
亡矣賀既廢數年宣帝封之爲列侯復有梟
死不得置後又犬豕無尾之效也

已上服妖

左傳周景王時大夫賓起見雄雞自斷其尾
向以爲近雞豕也是時王有愛子子鼂王與
賓起陰謀欲立之田於北山將因兵衆殺適
子之黨未及而崩三子爭國王室大亂其後
賓起誅死鼂奔楚而敗

宣帝黃龍元年未央殿輅轡中雌雞化爲雄

毛衣變化而不鳴不將無距元帝初元中丞相府史家雌雞伏子漸化爲雄冠距鳴將永光中有獻雄雞生角者京房易傳曰雞知時知時者當死房以爲已知時恐當之向以爲房失雞占雞者小畜主司時起居人小臣執事爲政之象也言小臣將秉君威以害正事猶石顯也竟寧元年石顯伏罪此其效也上巳

成公七年正月鼯鼠食郊牛角改卜牛又食

其角向以爲近青祥亦牛甝也不敬而備霽
之所致也昔周公制禮樂成周道故成王命
魯郊祀天地以尊周公至成公時三家始顓
政魯將從此衰天愍周公之德痛其將有敗
亡之甝故於郊祭而見戒云鼠小蟲性盜竊
鼯又其小者也牛大畜祭天尊物也角兵象
在上君威也小小鼯鼠食至尊之牛角象季
氏乃陪臣盜竊之人將執國命以傷君威而
害周公之祀也改卜牛鼯鼠又食其角天重

語之也成公怠慢昏亂遂君臣更執于晉至于襄公晉爲溴梁之會天下大夫皆奪君政其後三家逐昭公卒死于外幾絕周公之祀定公十五年正月饑鼠食郊牛牛死向以爲定公知季氏逐昭公罪惡如彼親用孔子爲夾谷之會齊人徠歸鄆謹龜陰之田聖德如此反用季桓子淫於女樂而退孔子無道甚矣詩曰人而亡儀不死何爲是歲五月定公薨牛死之應也

哀公元年正月鼯鼠食郊牛向以爲天意汲
汲於用聖人逐三家故復見戒也哀公年少
不親見昭公之事故見敗亡之異已而哀不
寤身奔於粵此其效也

已上
牛賦

景帝三年十二月吳二城門自傾大船自覆
向以爲近金沴木木動也先是吳王濞以太
子死于漢稱疾不朝陰與楚王戊謀爲逆亂
城猶國也其一門名曰楚門一門曰魚門吳
地以船爲家以魚爲食天戒若曰與楚所謀

傾國覆家吳王不察與楚俱起兵身死國亡
庶徵之恒陽向以爲春秋大旱也其夏旱雩
祀謂之大雩不傷二穀謂之不雨

釐公二十一年夏大旱向以爲齊桓旣死諸
侯從楚釐尤得楚心楚來獻捷釋宋之執外
倚彊楚亢陽失衆又作南門勞民興役諸雩

旱不雨畧皆同說

已上
恒陽

嚴公十七年冬多麋向以爲麋色青近青祥
也麋之爲言迷也蓋牝獸之淫者也是時嚴

公將取齊之淫女其象先見天戒若曰勿與
齊女淫而迷國嚴不寤遂取之夫人既入淫
於二叔終皆誅死幾亡社稷已上毛
蟲之孽
庶徵之恒粵向以爲春秋無冰也小粵不書
無冰然後書舉其大者也

桓公十五年春無冰向以爲周春今冬也先
是連兵鄰國三戰而再敗也內失百姓外失
諸侯不敢行誅罰鄭伯突篡兄而立公與日
親長養同類不明善惡之罰也

成公元年二月無冰向以爲時公幼弱政舒緩也

襄公二十八年春無冰向以爲先是公作三軍有侵陵用武之意於是鄰國不和伐其三鄙被兵十有餘年因之以飢饉百姓怨望臣心離公懼而弛經不敢行誅罰楚有夷狄行公有從楚心不明善惡之應

已上恒奧

釐公三十三年十二月隕霜不殺草向以爲今十月周十二月於易五爲天位爲君位九

月陰氣至互通於天位其卦爲剝剝落萬物
始大殺矣明陰從陽命臣受君令而後殺也
今十月隕霜而不能殺草此君誅不行舒緩
之應也是時公子遂顓權三桓始世官天戒
若曰自此之後將皆爲亂矣文公不寤其後
遂殺子亦三家逐昭公

書序曰伊尹相太戊亳有祥桑穀共生向以
爲殷道旣衰高宗承敝而起盡涼陰之哀天
下應之旣獲顯榮怠於政事國將危亡故桑

穀之異見桑猶喪也穀猶生也殺生之柄失而在下近草妖也一曰野木生朝而暴長小人將暴在大臣之位危亡國家象朝將爲虛之應也

書序又曰高宗祭成湯有蜚雉登鼎耳而雊向以爲雉雊鳴者也以赤色爲主於易離爲雉雉南方火也

蓋公三十三年十二月李梅實向以爲周十二月今十月也李梅當剝落今反華實近

妖也先華而後實不書華舉重者也陰成陽
事象臣顓君作威福一日冬當殺反生象驕
臣當誅不行其罰也故冬華華者象臣邪謀
有端而不成至於實則成矣是時僖公死公
子遂顓權文公不寤後有子赤之變一日君
舒緩甚與氣不臧則華實復生

元帝初元四年皇后曾祖父濟南東平陵王
伯墓門梓柱卒生枝葉上出屋向以爲王氏
貴盛將代漢家之象也後王莽篡位自說之

日初元四年莽生之歲也當漢九世火德之
厄而有此祥興於高祖考之門門爲開通梓
猶子也言王氏當有賢子開通祖統起於柱
石大臣之位受命而王之符也

昭公二十五年夏有鸛鵒來巢向以爲有蜚
有蜚不言來者氣所生所謂書也鸛鵒言來
者氣所攸所謂祥也鸛鵒夷狄穴藏之禽來
至中國不穴而巢陰居陽位象季氏將逐公
去公室而居外野也鸛鵒白羽旱之祥也穴

居而好水黑色爲主急之應也天戒若曰旣失衆不可急暴急暴陰將持節陽以逐爾去宮室而居外野矣昭不寤而舉兵圍季氏爲季氏所敗出奔于齊遂死于外野

景帝三年十一月有白頸烏與黑烏羣鬪楚國呂縣白頸不勝墮泗水中死者數千向以爲近白黑祥也時楚王戊暴逆無道刑辱申公與吳王謀反烏羣鬪者師戰之象也白頸者小明小者敗也墮於水者將死水地王戊

不寤遂舉兵應吳與漢大戰兵敗而走至于丹徒爲越人所斬墮死於水之效也

昭帝時有鵜鵠或曰禿鷲集昌邑王殿下王使人射殺之向以爲水鳥色青青祥也時王馳騁亡度慢侮大臣不敬至尊有服妖之象故青祥見也野鳥入處宮室將空王不寤卒以亡

已上羽蟲之孽

左傳魯襄公時宋有生女子赤而毛棄之隄下宋平公母共姬之御者見而收之因名曰

棄長而美好納之平公生子曰佐後宋臣伊
戾讒太子痤而殺之先是大夫華元出奔晉
華弱奔魯華臣奔陳華合比奔衛向以爲時
則火災赤眚之明應也

惠帝二年天雨血於宜陽一頃所向以爲赤
眚也時又冬雷桃李華常與之罰也是時政
舒緩諸呂用事讒口妄行殺三皇子建立非
嗣及不當立之王退王陵趙堯用昌呂太后
崩大臣共誅滅諸呂僵尸流血

已上赤
眚赤祥

民國甲戌

劉向洪範五行專

大
江都朱氏

庶徵之恒寒向以爲春秋無其應周之末世
舒緩微弱政在臣下奧煖而已故籍秦以爲
驗秦始皇帝卽位尙幼委政太后太后淫於
呂不韋及嫪毐封毐爲長信侯以太原郡爲
毐國宮室苑囿自恣政事斷焉故天冬雷以
見陽不禁閉以涉危害舒奧迫近之變也始
皇旣冠毐懼誅作亂始皇誅之斬首數百級
大臣二十人皆車裂以殉夷滅其宗遷四千
餘家於房陵是歲四月寒民有凍死者數年

一問緩急如此寒奧輒應此其效也

以爲常雨焉貌不恭

公八年十月雨雪周十月今八月也未可
以雪向以爲時夫人言淫齊之行而桓有妬
媚之心夫人將殺其象見也桓不覺寤後與
夫人俱如齊而殺死凡雨陰也雪又雨之陰
也出非其時迫近象也

釐公十年冬大雨雪向以爲先是釐公立妾
爲夫人陰居陽位陰氣盛也

昭公四年正月大雨雪向以爲昭取於吳而
爲同姓謂之吳孟子君行於上臣非於下又
三家已彊皆戕公行慢侮之心生

定公元年十月隕霜殺菽向以爲周十月今
八月也於卦爲觀陰氣未至君位而殺誅罰
不由君出在臣下之象也是時季氏逐昭公
公死弓外定公得立故天見災以視公也釐
公二十二年十月隕霜不殺草爲嗣君微失秉事
之象也其後卒在臣下則災爲之生矣異故

言草災故言菽重殺穀一曰菽草之難殺者也言殺菽知草皆死也言不殺草知菽亦不死也

釐公二十九年秋大雨雹向以爲盛陽雨水溫煖而陽熱陰氣脅之不相入則轉而爲雹盛陰雨雪凝滯而冰寒陽氣薄之不相入則散而爲霰故沸湯之在閉器而湛於寒泉則爲冰及雪之消亦冰解而散此其驗也故雹者陰脅陽也霰者陽薄陰也春秋不書霰者

猶月食也釐公末年信用八子遂遂專權自恣將至於殺君故陰脅陽之象見釐公不寤遂終顓權後二年殺子赤立宣公

已上恒寒

左傳釐公三十二年十二月己卯晉文公卒庚辰將殯于曲沃出三柩有聲如牛向以爲近鼓妖也喪凶事聲如牛怒象也將有急怒之謀以生兵革之亂是時秦繆公遣兵襲鄭而不假道還晉大夫先軫謂襄公曰秦師過不假塗請擊之遂要峭阨以敗秦師匹馬旃

輪無反者操之急矣晉不惟舊而聽虐謀

怨疆國四被秦寇既流數世凶惡之效也

史記秦二世元年天無雲而雷向以爲雷當

託於雲猶託於臣陰陽之合也二世不恤

天下萬民有怨畔之心是歲陳勝起天下叛

趙高作亂秦遂以亡一曰易震爲雷爲貌不

恭也

已上鼓

入記秦始皇八年河魚大上向以爲近魚孽

是歲始皇弟長安君將兵擊趙反死屯留

軍吏皆斬遷其民於臨洮明年有嬰毒之誅
魚陰類民之象逆流而上者民將不從君令
爲道行也其在天文魚星中河而處車騎滿
野至于二世暴虐愈甚終用急亡

已上
魚孽

公五十年秋彘向以爲介蟲之孽屬言不從
是歲公獲二國之聘取鼎易邑興役起城

嚴公二十九年有蜚色青近青黃
也非中國所有南越盛暑男女同川澤汗風
以生爲蟲臭惡是歲嚴公取齊淫女爲夫人

既入淫於兩叔故蜚至天戒若曰今誅絕之
尚及不將生臭惡聞於四方嚴不寤其後夫
人以兩叔作亂二嗣以殺卒皆被辜

釐公十五年八月螽向以爲先是釐有鹹之
會後城緣陵是歲復以兵車爲牡邱會使公
孫敖帥師及諸侯大夫救徐兵比三年在外
文公三年秋雨螽于宋向以爲先是宋殺大
夫而無辜有暴虐賦斂之應

宣公六年八月螽向以爲先是時宣伐莒向

後比再如齊謀伐萊

襄公七年八月螽向以爲先是襄興師救陳
滕子邾子小邾子皆來朝夏城費

哀公十二年十二月螽是時哀用田賦向以
爲春用田賦冬而螽十三年九月螽十二月
螽比三螽虐取於民之效也

宣公十五年冬螽生向以爲螽螟始生也一
曰螟始生是時民患上力役解於公田宣是
時初稅畝稅畝者就民田畝擇美者稅其什

一亂先王制而爲貪利故應是而螽生屬羸

蟲之孽

已上介
蟲之孽

左傳嚴公八年齊襄公田于貝邱見豕從者
曰公子彭生也公怒射之豕人立而嘯公懼
墜車傷足喪屨向以爲近豕旤也先是齊襄
公淫于妹魯桓公夫人使公子彭生殺威公
又殺彭生以謝魯公孫無知有寵於先君襄
公紂之無知帥怨恨之徒攻襄於田所襄匿
其戶間足見於戶下遂殺之傷足喪屨卒死

民國甲戌

劉向洪範五行傳

三
江都朱氏

於足虐急之效也

補刊

昭帝元鳳元年燕王宮永巷中豕出園壞都
竈銜其鬴六七枚置殿前向以爲近豕甑也
時燕王旦與長公主左將軍謀爲大逆誅殺
諫者暴急無道竈者生養之本豕而敗竈陳
鬴於庭鬴竈將不用宮室將廢辱也燕王不
改卒伏其辜

日上豕甑

史記魯襄公二十三年穀洛水鬪將毀王宮
向以爲近火沴水也周靈王將擁之有司諫

曰不可長民者不崇藪不墮山不妨川不竇
澤今吾執政毋乃有所辟而滑夫二川之神
使至于爭明以防王宮室王而飾之毋乃不
可乎懼及子孫王室愈卑王卒擁之以傳推
之以四瀆比諸侯穀洛其次卿大夫之象也
爲卿大夫將分爭以危亂王室也是時世卿
顓權僭括將有篡殺之謀如靈王覺寤匡其
失政懼以承戒則災禍除矣不聽諫謀簡嫚
大異任其私心塞埤擁下以逆水執而害鬼

神後數年有黑如日者五是歲蚤霜靈王崩
景王立二年僭括欲殺王而立王弟佞夫佞
夫不知景王并誅佞夫及景王死五大夫爭
權或立子猛或立王子朝王室大亂

史記秦武王三年渭水赤者三日昭王三十
四年渭水又赤三日向以爲近火沴水也秦
連相坐之法棄灰於道者黥罔密而刑虐加
以武伐橫出殘賊鄰國至於變亂五行氣色
謬亂天戒若曰勿爲刻急將致敗亡秦遂不

改至始皇滅六國二世而亡昔三代居三河
河洛出圖書秦居渭陽而渭水數赤瑞異應
德之效也

已上火
診水

溫而風則生螟螣有裸蟲之孽向以爲於易
巽爲風爲木卦在三月四月繼陽而治主木
之華實風氣盛至秋冬木復華故有華孽一
曰地氣盛則秋冬復華一曰華者色也土爲
內事爲女孽也於易坤爲土爲牛牛大心而
不能思慮心氣毀故有牛禍一曰牛多死及

爲怪是也及人則多病心腹者故有心腹之
痼土黃色故有黃眚黃祥凡思心傷者病土
氣土氣病則金木水火沴之故曰時則有金
木水火沴土不言惟而獨曰時則有者非一
衝氣所沴明其異大也其極曰凶短折順之
其福曰考終命

庶徵之常風向以爲春秋無其應

文帝二年六月淮南王都壽春大風毀民室
殺人向以爲是歲南越反攻淮南邊淮南王

長破之後年入朝殺漢故丞相辟陽侯上赦之歸聚姦人謀逆亂自稱東帝見異不寤後

遷于蜀道死癰

已上恒風

釐公十五年九月己卯晦震夷伯之廟向以爲晦暝也震雷也夷伯世大夫正晝雷其廟獨冥天戒若曰勿使大夫世官將顓事暝晦明年公子季友卒果世官政在季氏至成公十六年六月甲午晦正晝皆暝陰爲陽臣制君也成公不寤其冬季氏殺公子偃季氏萌

於釐公大於成公此其應也向又以爲此皆

所謂夜妖者也

已上脂
夜之妖

隱公五年秋螟向以爲時公觀魚于棠貪利
之應也

嚴公六年秋螟向以爲先是衛侯朔出奔齊
齊侯會諸侯納朔許諸侯賂齊人歸衛寶魯
受之貪利應也

已上羸
蟲之孽

宣公三年郊牛之口傷改卜牛牛死向以爲
近牛旤也是時宣公與公子遂共謀殺子赤

而立又以喪娶區霽昏亂亂成於口幸有季
文子得免於魮天猶惡之生則不饗其祀死
則災燔其廟

秦孝文王五年旃胸衍有獻五足牛者向以
爲近牛飫也先是文惠王初都咸陽廣大宮
室南臨渭北臨涇思心失逆土氣足者止也
戒秦速止奢秦將致危亡秦遂不改至於離
宮三百復起阿房未成而亡一曰牛以力爲
人用足所以行也其後秦大用民力轉輸起

補刊
負海至北邊天下叛之

景帝中六年梁孝王田北山有獻牛足上出背上向以爲近牛旤先是孝王驕奢起苑方三百里宮館閣道相連三十餘里納於邪臣羊勝之計欲求爲漢嗣刺殺議臣袁盎事發負斧歸死旣退歸國猶有恨心內則思慮霧亂外則土功過制故牛旤作足而出於背下奸上之象也猶不能自解發疾暴死又凶短之極也

已上牛旤

左傳昭公二十一年春周景王將鑄無射鍾
冶州鳩曰王其以心疾死乎夫天子省風以
作樂小者不窕大者不撝撝則不容心是以
感感實生疾今鍾撝矣王心弗裁其能久乎
向以爲是時景王好聽淫聲適庶不明思心
霧亂明年以心疾崩近心腹之痾凶短之極
者也

已上心
腹之痾

史記周幽王二年周山川皆震向以爲金木
水火沴土者也伯陽甫曰周將亡矣天地之

氣不過其序若過其序民亂之也陽伏而不能出陰迫而不能升於是有地震今三川實震是陽失其所而填陰也陽失而在陰原必塞原塞國必亡夫水土演而民用也土無所演而民乏財用不亡何待昔伊洛竭而夏亡河竭而商亡今周德如二代之季其原又塞塞必竭川竭山必崩夫國必依山川山崩川竭亡之徵也若國亡不過十年數之紀也是歲三川竭岐山崩向以爲陽失在陰者謂火

氣來煎枯水故川竭也山川連體下竭上崩
事執然也時幽王暴虐妄誅伐不聽諫迷於
褒姒廢其正后廢后之父申侯與犬戎共攻
殺幽王一曰其在天文水爲辰星星爲蠻夷
三月食辰星國以女亡幽王之敗女亂其內夷
攻其外

文公九年九月癸酉地震向以爲先是時齊
桓晉文魯釐正伯賢君新沒周襄王失道楚
穆王殺父諸侯皆不肖權傾於下天戒若曰

臣下彊盛者將動爲害後宋魯晉莒陳鄭齊
皆殺君

襄公十六年五月甲子地震向以爲先是雞
鳴之會諸侯盟大夫又盟是歲三月諸侯爲
狼梁之會而大夫獨相與盟五月地震矣其
後崔氏專齊欒盈亂晉良霄傾鄭闔殺吳子
燕逐其君楚滅保蔡

昭公十九年五月己卯地震向以爲是時季
氏將有逐君之變其後宋三臣曹會皆以地

蔡宮逐其君吳敗中國數一

二十二年八月乙未地震向以爲是時周景
王崩劉單立王子猛尹氏立子朝其後季氏
逐昭公無蒞敎制吳殺其君僚宋五大夫晉
五大夫皆以題步

哀公二年四月甲午地震向以爲是時諸侯
皆信邪臣莫能用仲尼盜殺蔡侯齊陳乞弑
君

釐公十四年秋八月辛卯沙麓崩向以爲臣

下背叛歟落不事上之象也先是齊桓行伯
道會諸侯事周室管仲既死桓德日衰天戒
在曰伯道將廢諸侯散落收逮大夫陪臣執
命臣下不事上矣桓公不寤天子蔽晦及齊
桓死天下散而從楚王札子殺二大夫晉敗
天子之師莫能征討從是陵遲公羊以爲沙
磧河上邑也

成公五年夏梁山崩穀梁傳曰離河三日不
濟晉君帥羣臣而哭之迺流向以爲山陽君

也水陰民也天戒若曰君道崩壞下亂百姓
將失其所矣哭然後流喪亡象也梁山在晉
地自晉始而及天下也後晉暴殺三卿厲公
以弑溴梁之會天下大夫皆執國政其後孫
甯出衛獻三家逐魯昭單尹亂王室

文帝元年四月齊楚地山二十九所同日俱
大發水潰出向以爲近水沴土也天戒若曰
勿盛齊楚之君今失制度將爲亂後十六年
帝庶兄齊悼惠王之孫文王則薨無子帝分

齊地六悼惠王庶子六人皆爲王賈誼鼂錯
諫以爲違古制恐爲亂至景帝三年齊楚七
國起兵百餘萬漢皆破之春秋四國同日災
漢七國同日衆山潰咸被其害不畏天威之
明效也

成帝河平三年二月丙戌犍爲柏江山崩塌
江山崩皆靡江水江水逆流壞城殺十三人
地震積二十一日百二十四動元延三年
月丙寅蜀地岷山崩靡江江水逆流

通向以爲周時岐山崩三川竭而幽王亡岐
山者周所興也漢家本起於蜀漢今所起之
地山崩川竭是孛又及攝提大角從參至辰
始必亡矣

紀上火上金水土

皇極之常陰向以爲春秋亡其應一曰久陰
不雨是也

嚴公十八年秋有蜮向以爲蜮生南越越地
多婦人男女同川淫女爲主亂氣所生故聖
人名之曰蜮蜮猶惑也在水旁能射人射人

有處甚者至死南方謂之短狐近射妖死亡之象也時嚴將取齊之淫女故蜮至天戒若曰勿取齊女將生淫惑篡弑之禍嚴不寤遂取之入後淫於二叔二叔以死兩子見弑夫人亦誅

史記魯哀公時有隼集于陳廷而死楷矢貫之石砮長尺有咫向以爲隼近黑祥貪暴類也矢貫之近射妖也死於廷國亡表也象陳眊亂不服事周而行貪暴將致遠夷之禍爲

所滅也是時中國齊晉南夷吳楚爲彊陳交
晉不親附楚不固數被二國之馮後楚有日
公之亂陳乘而侵之卒爲楚所滅

已上射妖

史記夏后氏之衰有二龍止於夏廷而言余
褒之二君也夏帝卜殺之去之止之莫吉卜
請其禱而藏之乃吉於是布幣策告之龍亡
而禱在乃匱去之其後夏亡傳匱於殷周三
代莫發至厲王末發而觀之禱流于廷不可
除也厲王使婦人嬴而謀之禱化爲玄黿入

後宮處妾遇之而孕生子懼而棄之宣王立
女童嘗曰糜弧其服實亡周國後有夫婦鬻
是器者宣王使執而戮之既去見處妾所棄
妖子聞其夜號哀而收之遂亡奔襄後襄人
有罪入妖子以贖是爲褒姒幽王見而愛之
生子伯服王廢申后及太子宜咎而立褒姒
伯服代之廢后之父申侯與緡西畎戎共攻
殺幽土向以爲夏后季世周之幽厲皆諄
逆天故有龍龜之怪近龍蛇孽也豫血也

曰沫也。屨弧桑弓也。其服蓋以其草爲箭。近射妖也。女童善者。旣將生於女國。以兵誅亡也。

左傳昭公十九年。龍鬪於鄭時門之外。消暹向以爲近龍孽也。鄭以小國攝乎晉楚之間。重以彊吳鄭當其衝。不能修德。將鬪三國。以自危亡。是時子產任政。內惠於民。外善辭令。以交二國。鄭卒亡。患能以德消變之效也。

惠帝二年正月癸酉。旦有兩龍見於蘭陵廷。

東里溫陵井中至乙亥夜去向以爲龍貴象
而困於庶人井中象諸侯將有幽執之阼其
後呂太后幽殺三趙王諸呂亦終誅滅

左傳魯嚴公時有內蛇與外蛇鬪鄭南門中
內蛇死向以爲近蛇孽也先是鄭厲公劫相
祭仲而逐兄昭公代立後厲公出奔昭公復
入死弟子儀代立厲公自外劫大夫傅瑕使
僇子儀此外蛇殺內蛇之象也蛇死六年而
厲公立嚴公問之曰猶有妖乎對曰人之所

忌其氣炎以取之妖山人與也人上覺焉
不自作人棄常故有妖

左傳文公十六年夏有蛇自泉宮出入于國
如先君之數向以爲近蛇孽也泉宮在園中
公母姜氏嘗居之蛇從之出象宮將不居也
詩曰維虺維蛇女子之祥又蛇入國國將有
女憂也如先君之數者公母將薨象也秋公
母薨公惡之乃毀泉臺夫妖孽應行而自見
非見而爲害也文不改行循正共御厥罰而

作非禮以應其過後二年薨公子遂殺文之二子惡視而立宣公文公夫人大婦于齊寵蛇之孽

史記秦孝公二十一年有馬生人昭王二十一年牡馬生子而死向以爲皆馬甌也之孽始用商君攻守之法東侵諸侯至於昭王二十一年其彌烈其象將以兵革抗極成功而還自滅之象也一日諸畜生非其

必有非其姓者至於始皇果呂不韋子

文帝十二年有馬生角於吳角在耳前上鄉
右角長三寸左角長二寸皆大二寸向以爲
馬不當生角猶吳不當舉兵鄉上也是時吳
王濞封有四郡五十餘城內懷驕恣變見於
外兵戒早矣王不寤後卒舉兵誅滅

已上
馬駝

文公十一年敗狄于鹹穀梁公羊傳曰長狄
兄弟三人一者之魯一者之齊一者之晉皆
殺之身橫九晦斷其首而載之眉見於軾向

以爲是時周室衰微三國爲大可責者也天
戒若曰不行禮義大爲夷狄之行將至危亡
其後三國皆有篡弑之旤近下人伐上之病
也

已上下人
伐上之病

隱公三年三月己巳日有食之向以爲其
我執天子之使鄭獲魯隱滅戴衛魯宋咸殺
君

桓公三年七月壬辰朔日有食之旣向以爲
前事已大後事將至者

魯君魯又成宋儀。州。二。子之心楚
猶稱王後鄭拒王師射桓王又二君相篡
于七年十月朔日有蝕之向以爲是時衛侯
朔有罪出奔齊天子更立衛君朔藉助五國
兵伐之而自立王命遂壞魯夫人淫失於
魯卒殺桓公

魯公十八年三月日有蝕之穀梁傳曰不言
不言朔夜食向以爲夜食者陰因日明之
變而奪其光象周天子不明齊桓將奪其威

專會諸侯而行伯道其後遂九合諸侯天子
使世子會之此其效也

二十六年十二月癸亥朔日有食之向以爲
時戎侵曹魯夫人淫於慶父叔牙將以弑君
故比年再食以見戒

三十年九月庚午朔日以食之向以爲後魯
二君弑夫人誅兩弟死狄滅邢徐取舒晉殺
世子楚滅弦

釐公五年九月戊申朔日有蝕之向以爲先

是齊桓行伯江黃自至南服彊楚其後不內
自正而外執陳大夫則陳楚不附鄭伯逃盟
諸侯將不從桓政故天見戒其後晉滅虢楚
圍許諸侯伐鄭晉弑二君狄滅溫楚伐黃桓
不能救

十二年三月庚午朔日有食之向以爲是時
楚滅黃狄侵衛鄭莒滅杞

十五年五月日有食之向以爲象晉文公將
行伯道後遂伐衛執曹伯敗楚城濮再會諸

侯召天王而朝之此其效也日食者臣之惡也夜食者掩其罪也以爲上亡明王桓文能行伯道攘夷狄安中國雖不正猶可蓋春秋實與而文不與之義也

又公九年二月癸亥日有食之向以爲先是文公始執國政公子遂如京師後楚世子商弑殺父齊公子于商人弑君皆自立宋子哀出奔晉滅江楚滅六夫公孫敖叔彭生並專

書明

十五年六月辛丑朔日有食之向以爲移
齊莒晉鄭八年之間五君殺死楚滅舒蓼
宣公八年七月甲子日有食之旣向以爲先
是楚商臣弑父而立至於嚴王遂彊諸夏大
國唯有齊晉齊晉新有篡弑之旤內皆未安
故楚乘弱橫行八年之間六侵伐而一滅國
伐陸渾戎觀兵周室後又入鄭鄭伯內袒謝
罪北敗晉師于邲流血色水圍宋九月析骸
而炊之

十年四月丙辰日有食之向以爲後陳夏徵舒弑其君楚滅蕭晉滅二國王札子殺召伯毛伯

十七年六月癸卯日有食之向以爲後邾支解鄆子晉敗王師于貿戎敗齊于鞏

成公十六年六月丙寅朔日有食之向以爲後晉敗楚鄆于鄆陵執魯侯

十七年十二月丁巳朔日有食之向以爲後楚滅舒庸晉弑其君宋魚石因楚奪君邑莒

滅鄆齊滅萊鄭伯弑死

襄公十四年二月乙未朔日有食之向以爲
後衛大夫孫甯其逐獻公立孫剽

十五年八月丁巳日有食之向以爲先是晉
爲雞澤之會諸侯盟又大夫盟後爲溴梁之
會諸侯在而大夫獨相與盟君若綴旒不得
舉手

二十七年十二月乙亥朔日有食之向以爲
自二十年至此歲八年間日食七作旤亂將

重起故天仍見戒也後齊崔杼弑君宋殺世子北燕伯出奔鄭大夫自外入而篡位

昭公七年四月甲辰朔日有食之向以爲先是楚靈王弑君而立會諸侯執徐子滅賴後陳公子招殺世子楚因而滅之又滅蔡後靈王亦弑死

二十四年五月乙未朔日有食之向以爲自十五年至此歲十年間天戒七見人君猶不寤後楚殺戎蠻子晉滅陸渾戎盜殺衛侯兄

蔡莒之君出奔吳滅巢公子光殺王僚宋三臣以邑叛其君

三十一年十二月辛亥朔日有倉之向以爲時吳滅徐而蔡滅沈楚圍蔡吳敗楚入郢昭王出走

定公五年三月辛亥朔日有食之向以爲後鄭滅許魯陽虎作亂竊寶玉大弓季桓子退仲尼宋三臣以邑叛

十二年十一月丙寅朔日有食之向以爲後

晉三大夫以邑叛薛弑其君楚滅頓胡越敗
吳衛逐世子

十五年八月庚辰朔日有食之向以爲盜殺
蔡侯齊陳乞弑其君而立陽生孔子終不用
惠帝七年五月丁卯先晦一日日有食之幾
盡在七星初向以爲五月微陰始起而犯至
陽其占重至其八月宮車晏駕有呂氏詐置
嗣君之害

武帝建元二年二月丙戌朔日有食之在奎

十四度向以爲奎爲卑賤婦人後有衛皇后
烏至微興卒有不終之害

元光二年七月癸未先晦一日日有食之在
翼八度向以爲前年高園便殿災與春秋御
廩災後日食於翼軫同其占內有女變外爲
諸侯其後陳皇后廢江都淮南衡山王謀反
誅日中時食從東北過半晡時復

昭帝元鳳元年七月己亥晦日有食之幾盡
在張十二度向以爲己亥而旣其占重後六

年宮車晏駕卒以亡嗣

成帝河平元年四月己亥晦日有食之不盡如鉤在東井六度向對曰四月交於五月月同孝惠日同孝昭東井京師地且旣其占恐害繼嗣日蚤食時從西南起

成帝建始元年八月戊午晨漏未盡三刻有月重見京房易傳曰婦貞厲月幾望君子征凶言君弱而婦彊爲陰所乘則月竝出晦而月見西方謂之朏朔而月見東方謂之仄

慝仄慝則侯王其肅朏則侯王其舒向以爲
朏者疾也君舒緩則臣驕慢故日行遲而月
行疾也仄慝者不進之意君肅急則臣恐懼
故日行疾而月行遲不敢迫近君也不舒不
急以正失之者食朔日

以上日
月亂行

嚴公七年四月辛卯夜恒星不見夜中星隕
如雨向以爲常星二十八宿者人君之象也
衆星萬民之類也列宿不見衆諸侯微也衆
星隕墜民失其所也夜中者爲中國也不及

地而復象齊桓起而救存之也鄉亡桓公星
遂至地中國其良絕矣夜中者言不得終性
命中道敗也或曰象其叛也言當中道叛其
上也天垂象以視下將欲人君防惡遠非慎
卑省微以自全安也如人君有賢明之材畏
天威命若高宗謀祖己成王泣金縢改過修
正立信布德存亡繼絕修廢舉逸下學而上
達裁什一之稅復三日之役節用儉服以應
百姓則諸侯懷德士民歸仁災消而福興矣

遂莫肯改寤法則古人而各行其私意終於
君臣乖離上下交怨自是之後齊宋之君弑
譚遂邢衛之國滅蔡獲於楚晉相弑殺五世
乃定此其效也

文公十四年七月有星孛入于北斗向以爲
君臣亂於朝政令虧於外則上濁三光之精
五星羸縮變色逆行甚則爲孛北斗人君象
孛星亂臣類篡殺之表也星傳曰魁者貴人
之牢又曰孛星見北斗中大臣諸侯有受誅

者一曰魁爲齊晉夫彗星較然在北斗中天之視人顯矣史之有占明矣時君終不改寤是後宋魯莒晉鄭陳六國咸弑其君齊再弑焉中國旣亂夷狄並侵兵革從橫楚乘威席勝深入諸夏六侵伐一滅國觀兵周室晉外滅二國內敗王師又連三國之兵大敗齊師于鞏追亡遂北東臨海水威陵京師武折大齊皆孛星災之所及流至二十八年星傳又曰彗星入北斗有大戰其流入北斗中得名

人不入失名人宋華元賢名大夫大棘之戰
華元獲於鄭傳舉其效云

昭公十七年冬有星孛于大辰向以爲星傳
曰心大星天王也其前星太子後星庶子也
尾爲君臣乖離孛星加心象天子適庶將分
爭也其在諸侯角亢氏陳鄭也房心宋也後
五年周景王崩王室亂大夫劉子單子立王
猛尹氏召伯毛伯立子鼫子鼫楚出也時楚
疆宋衛陳鄭皆南附楚王猛旣卒敬王卽位

子鼂入王城天王居狄泉莫之敢納五年楚平王居卒子鼂奔楚王室乃定後楚帥六國伐吳吳敗之于雞父殺獲其君臣蔡怨楚而滅沈楚怒圍蔡吳人救之遂爲栢舉之戰敗楚師屠郢都妻昭王母鞭平王墓此皆孛彗流災所及之效也

哀公十三年冬十一月有星孛于東方向以爲不言宿名者不加宿也以辰乘日而出亂氣蔽君明也明年春秋事終一曰周之十一

月夏九月日在氏出東方者軫角亢也軫楚
角亢陳鄭也或曰角亢大國象爲齊晉也其
後楚滅陳田氏篡齊六卿分晉此其效也
高帝三年七月有星孛于大角旬餘乃入向
以爲是時項羽爲楚王伯諸侯而漢已定三
秦與羽相距滎陽天下歸心於漢楚將滅故
彗除王位也一日項羽坑秦卒燒宮室弑義
帝亂王位故彗加之也

文帝後七年九月有星孛于西方其本直尾

箕末指虛危長丈餘及天漢十六日不見向
以爲尾末地今楚彭城也箕爲燕又爲吳越
齊宿在漢中負海之國水澤地也是時景帝
新立信用讎錯將誅正諸侯王其象先見後
三年吳楚四齊與趙七國舉兵反皆誅滅云
武帝建元六年六月有星孛于北方向以爲
明年淮南王安入朝與太尉武安侯田蚡有
邪謀而陳皇后驕恣其後陳后廢而淮南王
反誅

宣帝地節元年正月有星孛于西方去太白
二丈所向以爲太白爲大將彗孛加之掃滅
象也明年大將軍霍光薨後二年家夷滅

成帝建始元年正月有星孛于營室青白色
長六七丈廣尺餘向以爲營室爲後宮懷妊
之象彗星加之將有害懷妊絕繼嗣者一日
後宮將受害也其後許皇后坐祝詛後宮懷
妊者廢趙皇后立妹爲昭儀害兩皇子上遂
無嗣趙后姊妹卒皆伏辜辰逆行

釐公十六年正月戊申朔隕石于宋五是月
六鵠退飛過宋都向以爲象宋襄公欲行伯
道將自敗之戒也石陰類五陽數自上而隕
此陰而陽行欲高反下也石與金同類色以
白爲主近白祥也鵠水鳥六陰數退飛欲進
反退也其色青青祥也屬於貌之不恭天戒
若曰德薄國小勿持亢陽欲長諸侯與疆大
爭必受其害襄公不寤明年齊桓死代齊喪
執滕子圍曹爲孟之會與楚爭盟卒爲所執

後得反國不悔過自責復會諸侯伐鄭與楚
戰于泓軍敗身傷爲諸侯笑泚天丑行